

Vun driweriwer

erscheint auf www.lenauheim.de

monatliche
Erscheinung

September 2014

von Helen Alba

Vor de Direktor kumm

Wie es Mari anfangs der 60er Johre aus der Grundschul ausgeblieb is, selmols war die Kerwei noch am erschte Sunntach noh Allerheiliche, also im November. Es Mari is uf Temeschwar in des Lizeum kumm un e Jahr druf is es vum Steffi angered gin, for um de Maiebaam gehn. Der Steffi hat em schun lang im Au gstocho un es Mari war glicklich. Doch die Gschicht hat e Hooke ghat. De Vetter Michl, em Mari sei Vater, war mit dem „um die Kerwei gehn“ nit inverstann. Es war jo Schulzeit un ke Ferien. Er hat kummentiert: „Entweder Schul oder Trilulilu! Mari, du kannscht am Kerweisunntach hemkumme un zuschauen, doch owets je zruck in die Stadt, dass du ausgeruhter am Montach in der Schulbank hucke tuscht!“ Weder Bitte, Bettle noch Kreische han gholf de Vater umzustimme, der vum „am Montach frei verlange“ gar nix heere hat wille. Un so hat sich de Steffi mit em „Korb“ abfinne misse, er hat sich e anres Kerweimädl angered. Er hat in de Ferien nitemol me mitm Mari ufm Baal getanzt, so beleidicht war de Steffi. Un er hat sich e Minsch, es Gretl, angelacht, es Mari awer hat gement, es werd schun e Mittel un Wech finne, de Steffi umzustimme. De Steffi hat in dere UMT in Temeschwar gearweit. Un de Zufall hat gewillt, dass em Mari seiner Freindin, em Kathi sei Vater, dort zweiter Direktor war. Also han die Freindinne e Plan ausgeheckt, em Kathi sei Vater hat erscht nit mitspille wille, doch hat er sich halwer iwerrede un de Steffi an eem Tach in sei Biro rufe gelosst. Er hat de Steffi sogar gelobt, dass er e ausgezeichnete Schlosser wär. Un uner anrem hat er so beileiflich gfroot, was for Zukunftsplän der jungi Mann dann hätt. Un de Steffi hat rumgemuckst un mit der Sproch rausgerickt: „Herr Direktor, ich tät mei Gretl heirate, wann mer do in der Stadt e Wohnung hätte. Weil pendle, des is nit so eenfach!“ De Steffi hat so vun der Fabrik e Wohnung kriet, hat gheirat un es Mari hat sich dermit abfinne misse. Mit de Johre han alli zwaa iwer die „Jugendgschicht“ gelacht, sie sin bis zur heitich Zeit guti Freind geblieb. Un bei jeder Gelegenheit tanzt de Steffi ach wieder mitm Mari.